

許職受

不允批答

劄子

啓本

語

青詞

教書

陽村先生集









陽村先生文集卷之二十六

請辭免本職終考禮經節次箋

昔臣座主韓山李樞嘗謂臣言六經俱火于秦禮記尤甚散逸漢儒掇拾煨燼之餘隨其所得先後而錄之故其文錯亂無序程朱表出大學一節考定節次其餘則未及予欲分門類聚別為一書而未就汝其勉之臣承指授每欲編次授仕鞅掌亦莫克成前朝之時得罪見謫華蒙太上王殿下欽恤之仁獲保性命安于鄉里自辛未春至壬申秋十數月間始得研究此經隨篇類次乃成其書第以本經文字浩穰未



易悉書唯將每節首尾數字云自某止某舊在某節之下今當在某徃徃又將臆見之說附注其下而已將欲盡書本經正文次書陳氏輯說然後附以臆見之說以成一書此豈數月之間一筆之力所可辦哉故在當時未克脫藁冀以餘齡竣其畢成開國之初得蒙召用殿下綽統又以無功濫與勲臣之列位至宰輔再賜同盟感極于天縻粉難報惟念臣近質本多病徃徃而作今又加發其勢彌篤支體疲困頭目眩暈神昏健忘耳聾重聽難於奉職術者又言自庚乙酉至丁亥戊子數年之間皆是厄運殆難得過其



言雖不足信以臣多疾卜之不能享壽亦可知矣自  
臣始編此書以來今踰十年尚未成篇臣恐一朝疾  
病難醫日迫西山奄辭聖代臣師所囑永負地下豈  
不慟哉且臣智識淺短久居廊廟絲毫無補若禡臣  
職屏除世務使得專意卒成此書雖其狂僭無所逃  
罪其於後學未必無補伏望主上殿下憐臣衰病諒  
臣志願令免職任居閑處散藥餌之暇更加精力以  
卒其功特命攸司給紙札助繕寫勒成全書鑄字印  
傳則臣之著述雖不足觀後進之士必由是而興起  
鼓揮於經籍以光盛朝右文之治矣臣不勝區區之



意計亦益錄以光通時文之出美且不類國圖之  
節限田之舊也雖不足贖於斯之士必由是而興味  
至其如靜命外同錄於此則意亦得矣全書註字  
西法縣令之輝五各開東境樂陽之鄉更取靜氏以  
罪其於於學未及無解力聖主上幾不制曰東商就  
輝無新世錄於此書意亦得矣全書註字  
不增後且曰皆煥發於人吾亦願終事無前等語且  
前錄舊日也西山查新書外曰和而和亦負於下豈  
田欲錄出書以來今錄下平尚未及錄曰亦一勝矣  
言雖不盡言以用多錄下以公諸事書此可也



聖人學其言學之禮宜軒首與茲以爲筆簡之於已  
南以爲命爲筆筆無五筆遊又爲史轉以爲其間則  
遊之則來以爲首首爲見於人學曰爲大爲學者人之  
端矣所遊學以爲筆筆不形辭者南聖人之爲與爲  
爲置諸五五筆論論學以爲出以爲之學即天資於神  
吾曰後即道學者合大經何以爲子自明於思思各  
不明道學以爲其曰來莫不明道學以爲其後之  
皆曰上登筆遊學事其後與筆古與專專三升之我莫  
不爲其者

明會時思暗樂

步即其言首



志惶恐頓首

不允批荅

即舍析思訥製

省所上箋辭職事具悉輿稽古典唐虞三代之君莫  
不明道學以出治其臣亦莫不明道學以補治後之  
君臣欲明道學者舍六經何以哉予自即位思得各  
儒置諸左右講論經學以清出治之源卿天資純粹  
識度淵微學該六經靡不研精該前聖之蘊奧為後  
進之師表而所著淺見錄八學圖說尤為學者之指  
南以故命為宰輔兼任講筵又長史館成均冀聞性  
理之學其論學之懿豈惟有契於伊傳筆削之法已



窺乎春秋博約之教竊慕乎至聖當以毋不敬之學  
思無邪之教朝夕納誨啓沃予心俾聞大道之要卿  
之職也豈可遽以疾病為辭夫天既畀卿以斯道之  
任必不斬卿以壽考之祺卜筮之言安足介念先儒  
朱熹以作書集傳命之蔡沈遂為全書今韓山李穡  
亦以禮記付之於卿考定節次雖時異世殊其師弟  
之間傳授之法若合一契夫豈偶然哉且禮書掇拾  
煨燼紊亂失序誠宜考證以貽後世矧以卿之文學  
贊襄之餘猶可編次奚待夫投閑置散而後乃甫昔  
宋神宗命司馬光編資治通鑑以范祖禹劉恕為其



僚佐各有所掌而光精力折衷共成一代之史至今  
欽慕予於卿亦若是矣卿其履盡所蘊參互考訂以  
成其書既不負師教又不負予意豈唯有補於當時  
殆將壽斯文於不朽顧不偉歟姑安厥位以輔予治  
所請宜不允故茲教示想宜知悉

陳情劄字

臣本庸陋且無毫補濫承聖恩賜號功臣至父母妻  
許以封爵恩至渥也然爵父之典追贈之外未悉舉  
行王者之恩能及幽冥豈獨遺於存者乎殿下前用  
希閔之父今用錫命之父是蓋難於一時盡用故以



次而用之以實爵父之旨也若臣之父年尚未暮以待其次得受恩命必有其時所當安心而待之也但以臣父臣僖年今八十有三日迫西山晨夕難報此臣所以欲及其在俾獲霑恩汲汲而求瀆冒天威不能自己者也夫非功臣不封國家之成憲也然封爵功臣之父亦殿下之教命也功臣之父在者無歲以此而封信其教命安有外人敢援此例以撓成憲者乎虞夏以來有養國老之禮文武造周亦由於善養老者故自古王者皆重國老我太上王肇國之初若稽是道謂臣之父既老且舊授以檢校侍中俄封府



院君上王以非功臣罷其封君授以致仕歲賜捧祿  
皆所以重其老也近日臺諫上疏停祿非其罪也然  
今之耆老年紀未踰於臣之父者若以其年過八十  
國中最老為辭而封之以示國家重老之法亦何不  
可後雖為例能過八十者亦幾何人哉此臣之父亦  
可封也且臣一身既受本職又帶封君而臣之父失  
其爵祿臣雖寵榮心豈自安解臣封君以授臣父臣  
之至願也夫為子者孰不欲逮親之在以加榮顯乎  
然能得者蓋寡故有追贈之典是亦不幸焉爾臣及  
臣父之在得與宗盟以蒙殿下爵父之教恩榮甚極



幸莫大焉而臣之父尚未霑命萬或一朝奄辭盛代  
則臣終天不幸之痛豈有涯極哉雖極追贈豈稱於  
心乎此臣所以日夜企竚以望恩命者也殿下賜臣  
等軟血同盟以固萬世之信也封爵父母載在教書  
伏望殿下舉行其典以示其信以光孝治則臣父子  
感激圖報之誠誓至粉糜益虔無替

辭免起復劄子

草土臣權近伏聞傳旨臺省令及重試出臣起復依  
貼者臣近聞命震駭魂魄隕越措身無所進退惟谷  
竊惟移忠必先於為孝致治莫大於厚倫孝不能盡



忠何足稱倫不能厚治曷由善廢孝而求忠亂倫而  
望治自古及今寧有是理主上殿下聖哲之資光明  
之學孝友之至出於天性教化之美出於躬行世道  
榮而猶謂其未至群賢進而猶慮其有遺親策群儒  
以興文治誠千載一時之嘉會也經術之士孰不奮  
揚竭力殫誠展布所學思効其忠以償平日之志願  
哉以臣愚陋獲荷寵恩擢置崇班俾參文柄獎待踰  
涯粉榮難報第緣不幸遭罹快禍裴經被體疾病纏  
身雖効感激踴躍承命內懷慚報之心外有步履之  
難進莫得遂退不自安俯仰有忤惶惧無已夫藝文



儒林之重選成均風化之本源知經筵則當論道義  
以贊化賓儲副則常講孝悌以補德化此職任之重  
皆開名教之大宜得真儒博守節義內行無缺外謗  
不興者以命之然後允孚公望無添厥職如臣者本  
以庸陋之資徒守章句添竊爵位曾玷此職誠所不  
稱況今居憂而忘氣貪榮以冒寵遽釋衰麻以行吉  
服則是虧行義而無廉恥得罪於名教難逃於物議  
上以累盛時之治下以貽後世之譏矣以此醜行冒  
此重任一旦不可況敢兼有以之長藝文儒林是辱  
以之長成均風化是毀其知經筵何以贊化其賓儲



副何以補德豈可使無行之醜士多兼此國家之重任以亂彝倫而毀風俗哉又况親試思得其儒以臻至治也

以下逸

辭免起復藝文館大提學劄字

草土臣近上言臣伏蒙聖恩除臣藝文館大提學聞命驚懼罔知所措臣以罪惡遭致家禍臣父先臣某奄辭聖代甫經數月臣居喪經勉循喪制思免罪愆尚懼不任且臣又纏多病體氣血瘁耳目聾暗淋疾尤劇頻數不止通塞無常酸痛難忍臣雖欲忘哀冒寵以受爵命將此病軀豈易承當安居保養猶恐未



瘞黽勉從仕必至殞命臣念至此不覺涕零臣於曩  
日喪母之時亦嘗起復承受爵祿豈於今日憑依憂  
制苟辭恩命以徼其名哉誠以臣身疾篤案所難堪  
欲得安身治病以迓晨夕之命而已又况棄情起復  
本非令典古者金革之事無避也者是在危難之際  
不得已而為之權宜也其在治平之世豈可以為常  
典哉本朝經濟之典亦不許文臣起復誠以此也今  
雖有邊警臣非武臣不宜起復况當治平無事之時  
何必集哀以虧禮典哉臣之起復謂利於國則虧禮  
典而毀風俗謂利於身則乖攝養而速死且捨所



學而負欺謗又非臣之素志也反覆思之無一而可  
臣甘受誅不敢承命伏望聖慈答臣啣哀憐臣違疾  
收還爵命俾終喪制使其閑居養病以迨性命則終  
喪之後當為國家捐軀授命不敢辭避圖報聖恩之  
萬一伏惟聖慈垂答焉

辭免贊成事啓本

臣近謹按曩日內出宋朝諸臣奏議第三十五卷御  
史中丞傅堯俞上哲宗書其畧曰伏見韓忠彥為尚  
書左丞又以其弟嘉彥尚主物議藉藉以為未當臣  
切謂李德裕實唐之名相建言舊制駙馬都尉與要



官禁不往來當時防禁如此今乃萃於一門議者之言  
良可取也右諫議大夫范祖禹上書云韓嘉彥已  
授駙馬都尉其兄忠彥執政祖宗以來無此故事豈  
可使後世姻戚預政自今日始乞罷忠彥政事以為  
後法夫弟為駙馬兄為宰執古人猶以為不可況臣  
父子過蒙聖恩跽得尚宮主而臣居政府榮寵踰  
涯誠所難安且臣比來疾病纏綿耳目矇暗臨事昏  
眩失於聽察僣勉從仕猶懼不堪自今月十六日其  
病復發當食嘔逆瘦羸尤劇告病伏枕呻吟無已伏  
望憐臣衰病適臣將命覽觀宋臣奏議以立後法且



使老臣得以安心治病以保餘齡不勝幸甚

陽村先生文集卷二十一



陽村先生文集卷之二十七

䟽語類

太一年訂不利軍船下海波上安靜願仁王法

席䟽

大覺帝有願甚深惟以慈而護國幼冲人為理罔効  
矧當厄於什年茲切故依異象饒益念從先世尊信  
仁王範金為軀安內殿而瞻禮談經演意置道場而  
熏脩遵成憲而益虔竚真庥之可賴然微誠無以感  
格乃否德致茲難危時數既奇賊勢又熾在陸攻守  
師雖設備以為防隨潮往來寇乃乘間而作暴故此



沃饒公邊之地盡為索漠經戰之場民生以之多艱  
國用因之不裕方懷憂以嘗瞻覲雪冤而快心爰得  
火炮之資欲收水戰之利縱知殺伐之當戒益務寬  
殘之必除倘因妙援而自然無兵亦狎何心而敢於  
瀆武惟覓鑑之了了愍愚衷之區區伏願惠力所加  
海自風恬浪靜軍威攸指賊如烟滅灰飛災萌頓除  
壽筭彌衍

妙通寺水陸齋疏

如來濟苦之心固無遺於遐遠小子奉先之學豈或  
替於斯須爰遵水陸之儀式道津梁於冥路念以



殘質忝于貽謀父母生育之至恩欲報罔極祖宗積  
累之餘澤繼序不忘乃英靈多森在於上天惟懇懇  
願速登於彼岸又遭興兵之靡弭以致殞命之孔多  
興言及茲深用為戚矧於無始之歷劫凡曰有蠢之  
衆生往來惡塗實迷真而顛倒出沒苦海常隨業以  
漂流誠為仁者之所憐蓋亦惻焉而思救然非人力  
之可及尚賴佛慈之是加肆就精廬俾陳梵采區區  
施作了了照詳伏願考妣直到兜率天宮受諸快樂  
同生安養世界成大菩提伏願歷代先王先右并彼  
極西之方廣度群品保我大東之國啓佑後人次願



一切含靈永離煩惱之途俱入清涼之境

廣明寺行孤鳴群鴉驚鳥爭噪毘盧舍那道場

蕪太一祈禳疏

佛如來應機以慈普現威神之力余冲子遇裁而懼  
常存警戒之心茲切歸依式勤禳禱切以凡物之怪  
惟人所招莫赤狐莫黑鳥飛鳴交至蓋高天蓋厚地  
局蹐難安又有群鷺之聚譁實該衆民之共覩恐將  
然之為禍宜不見之是圖爰敬禮於毘盧且虔祈於  
太乙脫茲施作格彼照詳伏願萬物各得宜鳥獸魚  
鼈之咸若四方以無侮盜竊亂賊之不興



非時雨下雷電祈禳寧具道場疏

佛鑑應機有希求者必報天時失律宜恐懼而不寧  
益功歸依以希扶佑念將末小叨守盈成遺大投艱  
靡堪祖宗之付畀發號施令動得臣庶之怨尤故因  
政刑之紛更以致陰陽之愆伏冬行春令真乖氣之  
致媛雲陰雨霏乃不日而又臈矧當天地閉藏之候  
而有雷電震發之聲斯由奉若之無能抑亦財成之  
未至惟當自責豈在他求然難聽其災祥敢不陳其  
禳禱爰遵金口所說特設寶星之場營締則徵照詳  
矣阻伏願四時無失其序萬物各得其宜光膺滋至



之休轉凶作吉永享無彊之曆雖舊維新

光嚴寺重初第三法會慶讚華嚴三昧懺疏

華嚴會諸佛菩薩現慈心而疲群迷闊淨提我人衆  
生由懺法而成正覺初從靈鷲而演說後暨蒙山而  
撰修實百千劫之難遭宜一七日之精進竊念在寧  
考之總統臨大邦而垂衣持盈守成禮樂刑政之以  
理撥亂反正宗杜人民之載安發心於仁德恭明大  
后之昇遐立願於廣通普濟禪寺之重初乃歆徂徠  
之木風生郢匠之斧斤無求橡樟之材雲集工垂之  
繩墨佛宇禪堂之壯麗峻極于天僧廊廚舍之縵回



盤據于地庶幾勝功之成就遽致末命之道場驛道  
隙而莫追深痛仙遊之寢遠父作室而肯搆敢忘子  
職之當為肆竭微衷追成先志高矣美矣中規矩而  
崢嶸輪焉爰焉歸丹牘而炫耀允乎經始之意盍展  
落成之儀揭揚真宗雖至百度而猶慚敷陳盛事必  
期三會以益虔一心歸依萬口稱讚爛田衣之廣被  
紛寶鉢之均施幢幡奄蔽兮霞映長空鍾鼓鏗鉤兮  
電掣大地慧炬無函而不燭心香有感而即通伏願  
先考大王洗滌緣塵證明空性七重行樹種垂根而  
優游九品蓮臺成寶具座而直到肅雍共證菩提聖善



同生安養寡躬迪吉茂開過曆之期大母膺休來錫  
含飴之惠天氣和而順序冬雷轉而為祥然後願上  
自先王諸妃下及孤魂滯魄均霑利益靡不修生

金光經法席疏

建諸佛護國而佑世晉能施象教之功惟寡躬定都  
以營宮必用祈禱休之求苟竭丹悰之功可蒙白報  
之加顧以否德之資迫於群情之戴乃敢居於君位  
既至高而難安恐未合於天心每不遑以為恤肆忝  
勤於夙夜若涉蹈於淵冰然當創業之初必達貽謀  
之遠相風水而遷國邑在所當先費財力而興土功



誠非獲已用能以期年之役巍然見大廈之成肅踞  
龍蟠形勢據山河之壯暈飛鳥革結構重殿閣之崇  
非欲徇一己之私蓋將其萬世之業但因人勞而胥  
怨或招神怒以致媛乃當冬月之嚴凝以有雷聲之  
發作月失行而犯昂水變色以沸泉未知何等以為  
災豈敢適然而自恕茲懷恐懼之念膚舉繪襮之規  
俾就新宮恭修梵采對越玉毫之相談演金光之經  
心香所熏覺月斯照伏願天災悉弔國步永康曰壽  
曰康享箕疇之九五福將安將樂膺周誥之億萬年  
兵革載韜宗社並固



誕日金剛般若披覽法席疏

佛能相護之無罣縱纖微而必周人苟歸依之有虔  
何願欲之不遂茲竭丹忱之切敢祈玄援之加念惟  
否德嘗在前朝歷試中外以勞動備經艱險每當風  
夜而危懼不敢遑寧忽迫群情勉登大位斯由祖宗  
積德之慶亦賴天地保佑之仁遺大投艱實有多於  
慚德創業垂統恐未善於貽謀至今日而惕然豈予  
心之望者雖舊弊革除之殆盡乃庶事草創之甚煩  
或欲擇地而定都或欲築城而固國在朝政誠非獲  
已於民力實兩難堪以致怨咨之興或招拔羣之至



天星失度野獸入城冥消禍患之將生宜舉禳穰之  
舊法適臨彌月之日庸展梵米之儀畫以講金剛般若  
若之文夜以誦華嚴神衆之偈倘茲是作格彼照詳  
伏願和氣致祥兩儀絕災變之作大悲濟苦先世承  
接引之慈群僚暨黎庶以泰寧寡躬興宮闈而霑愷  
干戈韜戢圉圉空虛

別願法華披覽無消災法席疏

諸佛為大事因緣演說微妙之法小子膺群情推戴  
常存惕勵之懷苟切崇揚必蒙饒光覆將涼德之薄  
適際前朝之衰百揆之班尚謂崇高而難處萬機之



任何期遜避之無由是雖天命之靡常可懸王氏之  
不吊保全族屬庶欲與國而咸休敢肆禿頑自招廢  
世之用殄深加隱痛為導修生肆以黃金之泥俾書  
妙蓮之典綴功緣之甚劣尚報應之或彰反致乾象  
之乖益功予心之懼未知獲戾於天地凜若自蹈於  
淵冰欲消災變之萌猶憑攝護之力爰當內殿特設  
薰造既談權實之真詮無誦吉祥之神呪消埃施作  
水月感通伏願利澤洽於幽明三途共賴和氣協於  
上下五緯恒調金華永韜朝野咸樂

觀音屈落成慶讚華嚴經疏



建如來演說華嚴之法門悉周三界而普利以眇躬  
奄有朝鮮之境土願開萬世之大平茲竭誠心用祈  
惠佑惟觀音屈在天磨山壓勝逆水之源最為裨補  
顯告哲王之夢克彰威靈徂形勢俠隘而歆危且結  
構卑陋而傾撓嘗在潛邸而往見欲以願刹而重營  
累石砌而廣其基豎樑棟以新其宇獲蒙佛天接佑  
之力遂膺臣民推戴之情居君位之崇高愧無其德  
軫予懷之兢惕恐有厥愆如欲致國祚之綿長必須  
憑佛慈之攝護肆起三寶之地特展九會之文予以  
慶鸞舍之落成抑亦造鴟圖之鞏固倘茲施作格彼



明神宗皇帝  
照詳伏願俾熾而昌享箕疇之五福其寧惟永過周  
曆於萬年邊塞絕金革之聲閭閻富農桑之業

檀巖寺文殊會疏

佛如來攝護群生宣示精修之法予小子尊居寶位  
常存敬畏之懷茲歷再稔敢祈白報念循眇質脩歷  
多艱在前朝衰亂之時懼不堪於作相及群臣推戴  
之際乃莫避於為君猥將否德以臨民凜若朽索之  
馭馬矧當庶政之更始寧無衆心之怨咨所以致天  
地之妖盍亦憑佛法而禱爰趨給孤園之寶刹特設  
文殊會之法筵營締雖微感通斯速伏願上天申保



佑之命百禄是道生民躋仁壽之途萬歲永賴

水陸齋疏

無量無邊惟是佛慈之大有興有廢固滌天道之常  
爰懷哀愍之心異借加持之力念言王氏昔有高麗  
五百載享尊榮運數既極十數年甚衰亂宗社以危  
猥以否德之資迫於群情之戴欲將新國之軫典以  
保前朝之後昆肆分遣於藩方俾營立其家業何期  
小腆之生變以致大法之難容既不得以保全惟用  
勤於薦導曾為成蓮華之典又每設水陸之儀施作  
區區照詳了了伏願獲承方便永脫冤愆出離熱惱



陽村集卷二十七  
之途真遊自在超入清涼之界妙果圓成

使臣柳珣鄭恣鄭臣義等災厄消除速還本國  
之願疏奉教撰

佛必應於群機令人悉得以蒙益臣有勞於王事為  
君當與之同憂茲切歸依用祈扶佑嘗念保民之道  
宜勤事大之誠慎簡專對之才俾修朝聘忽被嚴威  
之譴遂至拘留在我無戲侮之心何彼有猜疑之志  
仰惟圓融之鑑必諒曲直之情欲令免厄以速歸蓋  
亦殫誠而精進爰趨寶刹俾展熏遊倘施作之微微  
孚照詳之了了伏願獲承方便速脫艱屯承帝眷以



未歸有慶子國與親屬而完聚永保厥家

陽村先生文集卷之二十七



陝西通志

卷三

Table with 10 columns and 10 rows of text.



陽村先生文集卷之二十八

一心真如法席疏奉 教撰

諸佛一心之真如寔能添崇於后德寔人萬機之難  
曠尤可恐懼於天災茲殫悃幅之懷敢丐扶持之力  
伏念猥將涼德肇造丕基相風水以遷都欲永奠其  
洪業勤宵旰而圖治尚期致於小康乃目刑政之乖  
張以致媛變之荐至雨雹甚於傷穀颶風數於覆舟  
山岳崩頽正是非常之恠乾文錯亂寔為可畏之徵  
况茲金耀之行犯彼軒轅之次訊其災於術士謂當  
戒於妃宮顧嘉耦於曩時違疣病於旬日今痊除之



未幾何災咎之如斯若消禍患之萌宜舉禴禳之典  
俾茲精舍特展熏造施作之微感通之速伏願轉爰  
作瑞和氣浹於堪輿俾壽且康景福凝於宮壺兵塵  
永絕國祚彌昌

使臣柳珣鄭摠鄭臣義等速還本國之願

使司行

交隣有道須憑使節之往來濟物無遺悉賴佛慈之  
揔護庸殫悃悞敢丐扶持念我小邦嘗事中國每當  
歲時之節必通朝聘之行况今我王益篤畏天之念  
爰遣宰輔恭修執壤之儀既賀正朝又請誥命冀以  
達精誠之志何緣有戲侮之辭不圖譴責之加以致



拘留之久茲殫懃而祈禱願脫厄以回還倘此芥緣  
格彼菱鑑伏願災咎頓釋福慶遄加言旋言歸速來  
宣於德澤俾昌俾熾永得享於壽康

水陸齋疏

諸佛愍群生以施慈無不濟矣允民從王事而殞命  
尤可恤焉庸瀝誠心為祈惠力顧惟涼德肇造丕基  
相地定都既已營宮室之制設險固國亦須作城郭  
之規爰興板築之功以致財力之費匪以亟一時之  
徇己蓋將慮萬世之宅民然徒役之斯多宜物故之  
相繼或違疾疫或木石之觸傷或罔飢寒或崖谷之



隕墜性命已失精魄無依既不得鄉閭田里之好還  
是孰無父母妻孥之至慟與言及此深用惻然縱莫  
令壽域之躋盡亦導覺岸之往茲開水陸之會用薦  
津梁之資倘施作之微微格照詳之了了伏願獲蒙  
方便永洗冤愆滋甘露於咽喉得飽法羞之食接慈  
光於耳目悉成妙果之因

觀音窟行水陸齋疏奉 教撰

革命代德固開天道之靡常濟物利生惟賴佛慈之  
無碍茲殫卑悃敢丐真麻顧以涼薄之資獲慶崇高  
之位任大責重必當泛群下之謀勢迫事危不得保



前朝之族在王法之使然爾豈予心之所欲哉既莫  
遂其並生惟勤薦於利往肆將金字為寫蓮經每當  
孟冬之時又設水陸之會倘茲施作格彼照詳伏願  
王氏諸靈悉釋冤愆皆生歡喜永出輪回之路脫有  
漏緣起登極樂之方悟無生忍

顯妃殿行疏奉 教撰

佛以慈而普濟也應化無邊人有願則必祈焉歸心  
是切故瀝丹衷之懽敢希玄授之加曩以弱質違茲  
羸疾盖因居尊而福過遂招禍患之生故雖有藥以  
醫良未見痊除之效乃投三寶而禱得致二聖之離



既以蒙攝護之彰宜益盡歸依之信肆超精舍恭展  
熏造以仰謝其前恩又冀祈於後惠倘茲施作格彼  
照詳伏願災萌悉消病根永拔嘉與一人而偕老共  
享億載之大平宗戚安寧臣民康樂

演福寺行大藏經披覽疏

一音所演大藏至萬軸之多萬機其繁小子無一日  
之暇意欲鼓邦家之輩回必須憑佛法之加持乃與  
臣僚同護誓願營五層之塔殿光覆舊基印千函之  
法文克成新典既已度藏而奉置亦宜轉讀而揚披  
肆邀茲藝之流俾讀貝葉之說口口騰法螺之響震



吼十方心心炷戒香之熏遍復三界供養之儀悉備  
功德之用必周惟財賫盡出於庶民豈利福獨專於  
一己冀覺鑑之普照乞惠澤以均施上導先世之真  
遊下及群生之咸樂曰壽曰富興嘉耦以康寧俾熾  
俾昌綿景祚於永久銷干戈而鑄農器興禮樂而戢  
刑威

新都疏

諸佛有攝護之慈必能福國王者居草創之始宜先  
定都營作方興歸依斯切猥將非德幸賴真庥迫臣  
民推戴之心即君師崇高之位常兢業以為懼惟治



安之是圖若稽風水之書當遷都邑之地是用離于  
松嶽乃來蒞于漢陽度務尚新百度未備工役誠非  
得已財力恐至於傷致令陰陽之序各以其時土木  
之功成於不日俟寧休芋載寢載興暨子孫而永傳  
宜兄弟而相好干戈偃息朝野清明

夫薦妻小祥齋疏

大覺如秋月之皎遍照塵方周年甚駒隙之催已臨  
練旦茲竭歸休之懷用祈接引之慈言念逝魂寔予  
嘉耦主饋有道能得室家之宜偕老無期永貽窀穸  
之痛徒哀號之何益惟薦拔之是勤爰當小祥特展



勝采倘區區之施作捨了了之照詳伏願直到變寧  
天宮受諸快樂往生安養世界成大菩提

懺經法席疏

代人作

慈悲懺法音開解脫之門幻化空身奄隔幽明之路  
茲勤敬禮敢樹提撕言念公魂惟予皇辟戚聯宗室  
偏蒙寵渥之恩爵貴公侯尚篤謙恭之節常期百年  
之偕老何遽一日而永違由公稟受而然耶恐妾禍  
殃之致耳呼天踊地已無相見之期歸佛齋僧虔導  
往生之利爰當殯室特展熏造倘茲營締之微格彼  
感通之速伏願蛻形骸之有漏直到天宮悟法性之



無生證明佛果

薦父疏

代曹府尹廢作

善知識慈悲懺法普開解脫之門孤哀子迫切至情  
用導堦升之路勤敬禮敢巧提撕言念逆規是予  
嚴父流離萬里之外久貽勞念之懷隔絕十年之中  
復奉歡顏之會方期菽水之養遽致風樹之悲享年  
齡九十四秋在此生固補上壽歷世界百萬億土到  
彼岸當結良緣肆遊精廬恭張熏席倘茲施作格彼  
照詳伏願直到變率之天真遊自在徃生徃樂之國  
妙果圓成



法華三昧懺法席疏 代人作

妙法如蓮花實同時而不碍淨生若槿飄零俄頃而  
靡常茲歷丹棕敢祈白報言念逝魂寔我良人早失  
怙恃之親哀哀誰恤且無兄弟之援予子疇依惟有  
賴於移天庶將至於偕老龜勉相助雖諧鼓瑟之和  
嗣續為難未見矣璋之慶幸料纏綿於微疾遽致夭  
閔於中年已無及於攀呼惟用勤於薦導爰迨精舍  
恭展懺造備施作之區區乎照詳之了了伏願根塵  
清淨永拋有漏資緣法性圓融證入無量義處即授  
記以成佛普推澤而利他



陽村先生文集卷之二十八

卷之六  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百



陽村先生文集卷之二十九

青詞類

祈雨太一醮禮青詞文

奉教撰

初獻天自民而視聽所欲必從月離畢以滂沱其應甚

速庸修淨醮仔沐真床二獻道得一以最尊默幹生成

之化禮至拜而彌敬敢殫昭格之心茲勤仰止冀借

霽然三獻天無私而德是輔常聰明而降監人有失而

妖由興盍恐懼而修省俯殫丹懇仰叩玄機願以寡

躬叨承景緒為政以德尚知夙夜而祗勤莅事惟煩

寧免賞刑之僭濫斯繇戾氣之感召以致咎徵之荐



臻旱魃為災春不雨夏不雨而大甚螟蟲害稼苗亦  
食葉亦食而卒痒慟先祖之于摧故靡神而不舉雖  
玄祈禱之遍罔獲報應之彰縷屨之以興雲旋杲杲  
而出日且當其月而雹集既損農田况值梅天而雪  
來尤駭人聽豈惟禾黍之盡槁乃至草木而皆焦是  
雖係人事之有愆恐亦虧天心之生物予小子之否  
德固當被譴罰之加彼庶民之無辜何忍視飢饉之  
至每念此而隕涕寧丁我而受瘡簡在帝心宜為民  
請佯趨道殿恭展醺儀儻歎之之誠格明之之鑑致  
令妖氛頓釋甘露普霑四時行百物生天道順而不



或六府修三事理民生厚而益隆嚮歛福於箕疇過  
歷年於周鼎

功臣都監行大上殿誕日祝壽北斗醺禮青詞

文

初獻天高之而在上覆育無遺誠歎之而由中感通甚

速茲修淨醺用祝遐齡二獻道固宅於希夷本無二致

禮當盡其誠敬宜切再陳肆竭一心用祈萬壽三獻辰

居所而幹天樞分萬化而不或臣歸羨而報君德至三  
祝而益虔爰瀝丹悰冀加玄佑恭惟太上王殿下挺  
神武之德值曆數之歸應千載而創丕基廓清禍亂



厭萬機而傳聖嗣怡養精神功既侔於殷周道可追  
於軒昊臣等俱以庸品幸際昌辰開國承家得見飛  
龍之造陳力就列曾無汗馬之勞遂濫與於勲盟乃  
優蒙其賞典雖粉身而難報惟薦美之是勤肆當彌  
月之期切祝後天之壽庸趨寶殿恭展醮科心香繞  
熏神鑑卽照致令太上王殿下永膺多福享春秋難  
老之徵垂裕後昆衍子孫逢吉之夢

功臣都監誕日醮禮青詞

初視不見聽不聞默幹神化進思忠退思輔豈報君  
恩庸修星醮之嚴異枉雲輶之降  
二道本一致固無



聲臭之名誠至再勤自有感通之理茲陳薄奠敢祝  
遐齡三星辰居所令萬物以生成臣子盡心祝一人  
之壽考至誠斯切靈貺卽臻伏念臣等俱以庸材幸  
遭盛際光依日月獲霑恩渥之私誓指山河濫與勲  
名之列暨子孫而蒙慶極天地而難酬爰值誕彌之  
辰益勤請祝之懇肆指道簾恭陳黜儀伏望主上殿  
下閱莊椿八千春本支既茂嚮箕範九五福邦國永  
昌

功臣都監北斗醮禮青詞

星辰高而在上幹萬化而不差臣子切於祝君殫一



心而無怠丹懷既瀝玄佑遄加伏念臣等俱以庸資  
幸逢盛際攀龍鱗而共躍得依日月之光軟牲血以  
同盟監預山河之誓雖粉身而難報惟薦美之是勤  
肆卜吉辰恭修淨醮虔誠所極感應即通致令建皇  
極而錫庶民膺箕疇九五福敬天休而祈求命享周  
誥億萬年

功臣都監祝上北斗醮禮青詞文

初獻照臨下土默司造化之權瞻仰昊天敢竭蘄傾之  
懇冀垂歆顧優錫綏將二獻雲漢於昭妙幹一元之氣  
潢汙可薦式陳再獻之儀庶諒霞誠暫紆風馭三獻斗



為天之喉舌營萬彙之生成臣作君之股肱同一體  
之休感茲殫丹幅用丐玄扶恭惟我主上殿下聖敬  
日躋聰明時乂昭事上帝恒存寅畏之誠懷保小民  
誕布寬仁之政乃曰遭喪而過毀以致成疾而不寧  
故在我國人之憂懷咸望彼天心之保佑矧惟臣等  
濫與勲盟常蒙恩渥之最優倍祈壽考之彌切肆茲  
道殿恭設醮儀誠款雖微感通斯速致令主上殿下  
病患消釋壽筭增延隆至治於萬年永膺天祿行丕  
圖於百世益固邦基

誕日醮禮青詞文



天聽必卑曲遂群生之願君恩至重惟勤求命之所  
丹悰既虔玄應奚阻伏念臣等俱以庸陋幸際休明  
乘運躍鱗共沐涵濡之澤同盟歃血拜蒙寵賚之榮  
列爵皆極於封君宥過亦延於後嗣在一生而難報  
誓萬世而不忘茲當繞電之辰願獻齊天之筭致令  
主上殿下千祥百瑞駢臻九闕之中億載萬年永作  
三韓之主肆陳醴於北斗敢祝壽於南山儻此誠心  
格于昭鑑

六丁神醮禮青詞

於赫紫微有嚴玄武分上下左右之位如質如臨主



成祖予棄之權不僭不濫茲將哀籲庸瀆聰聞念以  
無良適丁多艱暗於理亂持危之術胡能有成畧於  
經遠保大之規罔知攸濟雖將卒盡悴以防戎乃盜  
賊無憚而侵陵狗偷既恣於海濱蠱毒又迄於陸地  
蔓難圖也勢孔熾而方張燎可撲乎事將非而莫救  
方懷畏尾之意恐有噬臍之憂矧由水旱之相因以  
致公私之俱乏曷故恒陽之為咎至於今日而猶然  
民靡子遺何忍老羸之轉壑君誰與足實慚寡昧之  
為邦慄々若殞于深兢々如履其薄唯設溪毛之薦  
仰邀雲馭之臨儻賴神休獲安國步致令兵塵汎掃



時雨滂施千斯倉萬斯箱終善且有一曰壽二曰富  
俾熾而昌

救厄蕪鎮兵六丁神醮禮青詞

紫微昭回玄武布列之上下左右之位如質如臨主  
威福予奪之權不僭不濫敢殫誠而奏假異加惠以  
綏將伏念以紉冲之資遭危累之日叛臣生事於外  
欲逞奸兇鄰寇請地於邊安知詐偽而況寡躬多疾  
大母高年念之而憂虞茲深卜之則厄會方至罔知  
攸濟若游川而無涯因謂之安如卧薪而措火非人  
力之所能救也惟神休則尚可賴焉醮儀既修於丁



展衰懇卽通於冲鑑伏願太后壽考小子康寧胡人  
遁藏不敢南下而牧馬倭奴投順爭欲北面而稱臣  
大國敦子惠之心小民急親戴之義

六丁神醮禮青詞

神必庇貺於人故受享無所羞愧君為撫臨於國當  
有難能不憂勞爰竭愚衷用祈陰陽切以冀余倭寇  
侵于我疆初焉鼠竊以闕文後乃鴟張而肆虐以虔劉  
而為業以劫奪而為生於天意何所容使之益熾在  
民心不堪忍欲其盡殲矧惟孤兒寡婦之含冤乃至  
戍卒防夫之極瘁神若愬然而不恤人何仰止而有



求事至極而言不自知禮雖微而誠或可格伏願駟  
長風而掃賊海道鏡澄霈休澤而潤民州閭櫛比然  
後人將報謝神有歸依

本命醮禮青詞

杳難謐斯天無言而制化理不異也人受命而成形  
苟罄斷霞宜傾靈鑑念予眇質耦我至尊陰教難以  
施愧無淑妃之德家道幾乎亂恐有牝雞之晨欲檜  
攘其奈何惟予穢之可畏肆按仙科之典恭陳溪藻  
之羞致令穩閱年華益享惟新之慶更延壽錄永成  
偕老之期



靈寶道場青詞

初獻臨之上質之旁洋洋如在誠於中形於外斷斷無  
他異枉冷風俯歆行潦二獻廢右享之瞻昊天而敬仰  
拜斯可矣酌潢汙而益虔來燕來寧俾昌俾熾三獻無  
聲無臭粵道難名有始有終惟誠為貴事之以禮感  
而遂通念以眈冲叨承付畀顧五年之踐祚無一日  
之安心兵之精強外寇深入而無憚人懷疑貳內訌  
屢生於不虞大邦責貢而莫效蠲誠遠國遣使而安  
知狙詐室如懸磬豈聞紅裔之陳陳民靡有黎可嘆  
赤立之子子興言及此深用惻然既失撫養之仁愧



居司牧之任是當自責豈在他求矧凡咎徵之臻皆  
由不德所召宜側躬而修行以轉禍而為祥茲按真  
科式嚴淨醮伏願卑懇上奏明神降監綱紀四方措  
邦基於不拔本支百世受帝祉於無疆文武和同遠  
近交附更闡絃歌之化不聞金革之聲

金星獨醮青詞

初明明在上默幹轉移之機斷斷無他常懷瞻仰之  
望冀垂降鑑俯諒卑忱亞大道希夷固難名狀至誠  
懇款可感神明爰推獨醮之儀庸瀆拜獻之禮三天  
番象而示譴式彰仁愛之心金為緯而有威悉權與



奪之柄茲殫惴惴敢丐扶持伏念猥以庸質獲居大  
位兢業圖治每當夙夜而勤警戒相成尚賴閨門之  
助頃當中宮之遽疾備嘗良藥而難醫乃禱于上下  
之神僅保其性命之活今據日官之上奏為陳金耀  
之失躔其行犯於軒轅其忌在於宮掖深懷恐懼之  
意爰舉禳禳之規肆竭危悰俾陳旆醮致令災咎悉  
釋福慶駢臻椒闈諧琴瑟之和共膺壽考揄塞絕戈  
兵之警永啓隆平

北帝神兵護國道場青詞

初寃寃昏默道難得名恭敬齊明誠無不格茲將洞



酌之潦望垂陰陽之仁二惟皇上帝常垂象以現吉凶肆予冲人靡有爭而篤誠敬冀回玄鑑俯諒愚衷三獻天失時則為災譴告之意至重帝居所而不動歸向之誠彌深以予無良遭家多難賊子亂常于内痛不容言邊臣構釁於鄰咎將誰執雖夙夜不遑暇食於天地若無所容顧隻影而獨悲恐堅冰之將至雷當冬而震發霧連日以沉湮考諸大史之書是乃戎兵之兆南憂海寇之侵犯北慮山戎之覬踰甚欲圖存誰能禦侮勢已危而不省如有抱火而措積薪樊欲救則當先宜若奉漏而後焦釜茲陳法醮望顙神



扶伏願憂暑雨冬祈寒各順其序共凶器戰危事永  
絕其萌

繫城醮青詞

初海上山高迴隔人寰之繁擾壇中天近可邀仙馭  
之降臨薄真斯陳明神如在二獻酌行潦而再陳明信  
可薦驅冷風而先道感應孔昭庶借顧歆優加扶佑  
三獻神聽不惑庇貺斯人天覆無私照臨下土事之以  
禮感而遂通切念摩利之山檀君攸祀自聖祖為民  
立極俾續舊以垂休暨後王避狄遷都亦賴茲而保  
本故我家守之不墜而小子承之益虔夫何倭寇之



狗偷以致我民之魚爛雖遠疆之受侮尚所表聞况  
廢邑之被侵胡然忍視豈明威之不驗實吾德之無  
良是難他求唯在自責然人若不安其業則神將無  
所於歸茲因舊典之遵敢告當時之患早忱款之寶  
鑑明之致令海不揚波丕享梯航之輻湊天其申命  
光膺社稷之安盤



陽村先生文集卷之三十

教書類

敬孝大王祠廟配享功臣教書

王若曰喪既畢於三年神主升祔於宗祏功可傳於萬世人臣與享於廟遵禮遵古今之相公思豈幽明之有間雞林府院大君王煦風猷凝峻器度宏深初寵遇於德陵視猶子而賜姓後登庸於穆廟命作相而不名秩同親戚而並豐榮匪他人之可擬矧觀平日之行事無愧前賢之所為事君能致其身心專翊戴理國如指諸掌業茂經綸乃聖無并之徒將申整



理之法方致奸宄之膽落遽為黎庶之涕零興言及  
茲深用為感雞林府院君李齊賢德無爵莖學貫天  
人負綫於宣祖之西巡備嘗艱險秉鈞於敬考之南  
面克著庸勞忠勤歷事於六朝終始不渝於一節四  
登相府而躬恭讓之美再掌禮闈而號選掄之公理  
思亂安思危恒存憂國之念高不驕滿不溢慎守保  
身之機英華發為文章經術措諸事業利涉允資於  
舟楫稽疑有賴於蓍龜惠澤洽于東民休聲振於中  
國遺風未殄永世難忘夏城府院君曹益清立志純  
誠持身謹慎力扶十年之潛德式至今休位副萬民



之具瞻恪遵前憲赫赫邦家之碩輔堂堂社稷之重  
臣永誓著於冊書豐烈褒於青史益山府院君李公  
遂方嚴信厚博大寬明貴極皇儲之展親心愈下而  
能儉變遭孽豎之伺釁志彌堅而莫回忠言切於格  
非義色形於率下有為有守之學問可畏可象之威  
儀瑞興君柳淑志節清高學問贍富早守中閭之付  
託久勞外郎之艱難委質無貳於一心盡忠殆踰於  
三紀昵侍帷幄從容借筋之謀說稱詩書密勿陳謨  
之戒特荷腹心之寄崇居喉舌之司故能言聽而計  
行以至功成而名遂既歷本兵之府而升出政之堂



子房願從於神仙予嘉智之足尚治長雖在於縷綫  
皆曰罪之為非盡旌厥庸以雪其憤念以屏質托于  
丕基方懷在疚之嫗嫗惟識小心之翼翼恐難任列  
祖之付畀思得與諸卿而共圖爰躋從祀之班式示  
有功之報於戲記功宗而秩祀庶幾周誥之共貞迪  
高后而降祥罔俾殷盤之專美卿等受命篤弼予其  
垂拱仰成故茲教示尚宜知悉

教判厚德府事韓脩

王若曰死生之理通乎陰陽是人物之常道君臣之  
義篤於終始為國家之恒規矧所事之師儒宜特加



於恩禮故輸忠贊化功臣匡靖大夫判厚德府事右  
文館大提學知春秋館事上護軍韓某學傳瀛洛筆  
繼鍾王早承先考之知久荷代言之職八告于后必  
陳經世之謨慎簡乃僚俾受傳予之命茲以幼冲之  
日獲聞教誨之言何期天不吊以降災予靡堪於多  
難中罹變故雖廢斥以授閑終謂登庸必都俞而致  
理胡不幸而短命乃莫相於我家興言及茲痛悼無  
已今遣密直司知申事右文館提學知製教兼春秋  
館修撰官知典理司事廩廷秀賜酒往奠嗚呼氣有  
聚散卿随物化而不疑人無老成予念邦瘁而有感



尚期貞魄膺此寵章故茲教示想宜知悉

教判三司事鄭道傳

省所上高麗國史三十七卷事具悉蓋聞王者代德而有國必命文臣修史以成書非惟備一代之典章抑亦垂萬世之勸戒若稽王氏之世襲稱高麗之名能合三韓以為一統歷歲之久將五百年傳世之多踰三十代興衰治亂之迹善惡得失之端記錄悉繁殘缺亦甚苟非付於良史焉得成其全書惟卿學窮經史之文識貫古今之變議論之正皆本乎聖賢之言臧否之明必辨其忠邪之趣佐我開國有厥成功



嘉猷可以補政教之施雄筆可以托制作之任溫溫  
儒者之氣像巍巍大臣之風儀肆予當即位之初知  
卿有適用之學俾居輔相之列又兼國史之官果能  
於變理之餘得遂其編摩之效表年以首其事因畧  
以致其詳有變有常去取悉關於大體或褒或貶是  
非不繆於彙賢事該其本末而不至於繁文貴乎簡  
質而不至於俚不待游夏之贊蔚有班馬之風披閱  
以還嘉嘆無已宜致匪頒之寵以旌撰錄之勤於戲  
虞史作堯典之文既以施其直筆殷鑑在夏后之世  
所當戒於前車今賜卿某某等物至可領也故茲教



示尚宜知悉

教藝文春秋館大學士鄭摠

省所上高麗國史三十七卷事具悉前世興衰之迹  
必待後人而成書後王勸戒之端具載前史而可鑑  
粵惟王氏奄有高麗合三韓而為一家自五季而事  
中國世代既久記錄甚繁且因喪亂之屢更頗有殘  
缺而未備况記者非一手疎密詳畧之不同或言之  
亦多端曲直邪正之難辨如或成一代之實錄必須  
得三長之全材惟卿氣醇以清學邃而富言辭簡質  
而必信文章典雅而可傳皮裏春秋能謹嚴而有守



胷中權度自精切而不差當予開國之時賴卿協謀  
之力爰升出政之府俾兼秉筆之官既致力於贊襄  
亦專心於撰述以公羊三世之事法司馬編年之規  
勒成全書垂示來世議論無愧於唐鑑鄙吝不生於  
漢書有變有常筆削之情著矣可法可戒善惡之效  
昭然予心曰嘉賞典是厚於戲雖薤不繁雖質不俚  
可謂有良史之材與治必興與亂必亡蓋亦觀前代  
之事今賜卿某某等物至可領也故茲教示想宜知  
悉

教母弟靖安公



明倫彙編

卷一百一十五

王若曰惟王建國式開鞏固之基宗子維城爰重崇  
高之勢將茅土廣樹其藩屏以葛藟能庇其本根矧  
有佐命之功宜篤展親之禮若稽文武之世乃建魯  
衛之親其在宗盟必先同姓非直示私恩之渥抑亦  
褒勲業之多茲爾母弟靖安公太宗稟德剛明秉心  
貞亮特雅好古學已窮六籍之文英邁絕倫勇可棄  
三軍之帥事君盡克忠之節奉使著專對之材非仁  
義不與言得孟子責難之道惟孝友施於政有君陳  
令德之風當上王歷試之時寔高麗將亡之運征歛  
暴橫而人民咨怨用捨顛倒而賢智退藏上王以德



言之足聞值讒邪之交構能遵養而時晦懋聖敬之  
日躋爾乃痛念生民之艱欲靈君父之耻首先倡義  
衆亦合謀順天應人扶龍德於九五位化家為國衍  
鴻圖於億萬年克全忠孝之功當極勲親之寵疏封  
列爵雖達為盤石之宗策命旌功乃不與山河之誓  
姑以避親嫌於當日蓋將待公論於後時通有奸臣  
之潛謀適乘上王之不豫挾幼孽以煽亂致宗社之  
幾傾乃能先知旋即戡定周公善處於骨肉之變惟  
義之從管仲能迂於長幼之間所輔者正天叙以之  
而既勅邦本以之而不搖惟天惟祖宗陰隲是賴有



民有社稷景祚以迄顧以眇躬叨承大命不獲辭於  
否德猥以嗣於丕基夙夜惟寅淵永以惕上欲副上  
王之付畀下欲遂下民之底綏任莫大焉憂茲甚矣  
尚賴匡輔之力思免怠荒之愆况爾至親與吾敵休  
誠休感之所共盍弼亮之益慶苟予莫能為國以禮  
而爾可曰在家不知予若無添於為君爾亦有辭於  
永世今錄前功於既往益期後效於將來策命爾為  
開國一等功臣爰命有司舉行賞典圖形勒功土田  
人口之錫一依舊例仍賜以下逸

建儲副教



王若曰自昔王者之達儲所以尊宗祀而重國本也  
稽諸禮文有立嫡子同母弟之說或世或及惟其至  
當而已予以寡昧嗣守景緒嚴恭思治于茲三年矣  
顧無嫡嗣而有庶孽賸昧不惠每思繼序之重恒懼  
得人之難夙夜兢惕罔敢遑寧惟念同氣之親庸篤  
友于之義不期懷安公芳幹崇信姦回妄生疑忌稱  
兵搆亂禍在不測即命靖安公諱太宗摠師往討幸賴  
天地宗社之佑旋即戡定不日清明尚憐象憂之情  
不忍管辟之致已將芳幹安置私莊黨與人等各以  
輕重處決蓋緣國本之未定人心之易搖禍亂斯生



以至此極興言及茲深用惻然宜建卹第之賢以端  
邦本之固靖安公其氣挺英明資全勇智文武之略  
秉自生知孝悌之誠發於至性佩服詩書之訓識達  
政教之方左右上王効忠竭力以建開國之功捍衛  
寡兄拔亂反正以成定社之烈宗社之所永賴臣民  
之所共知勲德既隆謳歌悉歸是用冊命為王世子  
以慰輿望載惟儲副之任必兼監撫之權仍命勾當  
軍國重事咨爾宗親耆老宰輔臣僚中外人民咸體  
予懷各供爾職祗順元良之德以輔予治茲行冊禮  
宜布寬條自建文二年二月初四日昧爽以前除謀



叛大逆殺祖父母父母妻妾殺夫奴婢殺主蠱毒魘  
魅但犯強盜謀故殺人及芳幹黨與知情人外已發  
覺未發覺已決正未決正罪無輕重咸宥除之敢以  
宥旨前事相告言者以其罪罪之於戲為父為子益  
敦慈孝之心宜民宜人永啓隆平之治故茲教示想  
宜知悉

教王世子

太宗諱

王若曰恭惟祖宗仁厚積德以集景命逮我啓運神  
武太上王之肇興也王世子某明炳幾先灼知天命  
首唱大義以建鴻業則我朝鮮之開國惟爾功寔多



故當初建儲之議物望咸歸於甯不期權姦竇立幼  
孽將傾社稷天誘其衷建策戡定以安宗社則我朝  
鮮之再造亦惟甯功是賴國於甯時已為其有乃執  
冲謙申啓太上謂予不穀居嫡之長俾命以位予辭  
不獲黽勉即政于茲三年天意未允人心未孚旱蝗  
為災妖孽洊至是皆寡昧非德之致慄慄危懼俯仰  
有忤矧予素纏風疾眩於萬幾勞神應務恐致彌留  
思釋重負以付有德庶可以上答天心下慰輿意咨  
甯王世子稟剛明之德挺勇智之資仁義秉於生知  
孝弟本乎至性學問精於義理英謀合於變通固睿



哲之離倫乃譙恭之彌謹早以濟世安民之量克成  
撥亂反正之功謳歌之所歸宗社之所賴惟賢惟德  
宜承大統予遜王位俾傳於爾余將退就私邱優遊  
怡養以保期順於戲天人之情必附於有德宗社之  
統當傳於至親故世及以相承實古今之通義爾其  
益虔于德夙夜祗懼敬天勤民俾萬世無斁故茲教  
示想宜知悉

荅領司平府事河崙進樂章教書

王若曰蓋聞君臣之間貴於進戒聲樂之道在乎象  
成故九叙之歌禹既戒之賡載之歌臯陶亦陳之此



虞廷君臣交相警戒以興至治者也迨乎成周其道寢備雅頌之作洋洋至今惟卿天資明敏學術精微所見之正卓爾甚高所守之堅確乎不拔八而陳謨必盡其規益出而施政必極其精詳嘗戮力以定社又殫誠而佐命嘉乃丕績再與同盟俾長庶寮以輔予治今觀所進覲天廷受明命樂章二篇匪直詠歌切於陳戒惟予之八覲也曰子職分之當然其受命也天子恩數之幸及其在否德皆無可歌卿乃作為詩歌以寓勸勉規戒之意蓋欲永思其艱以保其成於無窮也忠義之誠藹然可嘉矧其辭義之雅聲氣



之和可以追配古之作者亦可以傳於後世也觀覽之際良深感愧已令有司校之管絃以為宴享之樂不忘規戒之辭於戲七德舞歌雖可愧事功之不遠五言出納宜益在治忽而罔愆遺書指不多及故茲教示想宜知悉

### 教書

王若曰予以涼德托於一國臣民之上仰思太上創業之不易俯念小民持守之惟艱夙夜祗懼敬天勤民尚慮下情未獲上達置申聞鼓以伸冤抑乃緣寡昧不明于德茲祚以來災異荐至再降教旨求聞諫



言要皆可用而未盡舉行以致失信之多遁者大風  
拔木久雨害穀山岳崩頽廬舍漂溺陰殄之災未有  
憐於今日傷和致異咎實在予痛自剋責若殞于淵  
已德有虧何以修之國政有失何以改之施為何以  
合天享祀何以感神典禮豈盡叙秩紀度豈盡修明  
用捨豈盡得宜請謁豈盡不行銓選若何而有壅詞  
訟若何而久滯風俗若何而不美賦役若何而不均  
豪強豈無其撓法姦猾豈無其肆暴刑罰豈無其寬  
屈法令豈無其紛更惡咎隱於無形而未著歟禍患  
藏於所忽而未覺歟興言及茲深用惕厲致災之故



何由弭災之術安在咨爾大小臣寮時散六品已上  
如有欲言者上自寡昧之闕失下至生民之利病毋  
嫌訐直毋憚權貴指陳所懷悉言無諱予其採納以  
裨治道雖有不中亦且優容於戲唯失德所以致災  
故當罪已而修省蓋求言將欲改過敢不虛懷而聽  
從各盡乃心以輔予治故茲教示想宜知悉

陽村先生文集卷之三十



下才卷三

北

Blank manuscript area with vertical lines.







爾國